

台州文獻叢書

台州金石錄

台州文獻叢書

(清)黃瑞 編輯

台州金石錄

下

台州金石錄卷一 一至一三  
台州甄錄五卷  
台州金石甄文闕訪目四卷

國家圖書館出版社

台州金石錄卷十一目錄

南宋七重建巾山翠微閣記

隱真宮記

隱真宮莊田記

規約殘碑

顯慶寺銅鐘款

忠應廟銅鐘款

石柱佛號題字

方益壙誌

延恩寺敕牒殘石

星渚塘石刻

目錄

正真院增田記

王復墓誌銘

僊居縣進士題名三碑

免役殘碑

洪□□壙誌殘石

陳四二墓碑

陸位銅印

悟空亭造象題名

佛隴題字

天台山三大字

萬松徑三大字摩崖

恭祝皇若黃歲碑  
成德八年  
刻口鳥穀沉下田中  
見仙居縣志補遺

華頂寺右軍墨池四字摩崖

巾子山謝□□佛字摩崖

巾子山張□道佛號摩崖

巾子山遺巾處三字摩崖

佛泉摩崖



台州金石錄卷十一

臨海 黃瑞子珍 編輯

黃巖 王棻子莊 校正

宋重建巾山翠微閣記

碑高四尺八寸廣二尺九寸五分額篆書重建巾山翠微閣記

八字隱起分二行徑一尺寸記十九行行二十六字

赤城西北南層巒疊巘蜿蜒鬱勃蔓延縣巨壑聳高哉  
不可揆其東與海相表裏山勢詔斷續不相屬屹然  
矗東南隅為東方屏翰者賴有巾山山一名恰幘駢頭  
髻聳如伯仲澄扇而立有浮圖冠其巔如龍兩角真奇  
觀也予少誦任翻宿恰幘精舍詩有鶴滴松露僧開竹  
所語嘗夢想其處恨一官絆縛無從登絕頂訪唐人遺

迹不自畜聖天子予一麾來突兀此怡幘在吾目中間  
崔昇房則曰鶴去久所卽翠微閣後人摘詩中字標管  
爲所圯自往年罹鬱攸出變未有能起廢者其不隨劫  
灰而歎與山共一古今者惟翻詩爾予曰不有崔盍成  
詩不有所盍致翻鶴去人僊房以志古所可廢乎爰卽  
奮趾度材輦石而鼎新之頃焉閣成直欄橫檻下瞰闡  
闡萬瓦次鱗如指諸掌迴廊西牖頰眎滄溟澄江蜚練  
如繚長帟囷出霏開麥疇蔬町如畛如畫水落石出遠  
林近山刑伏如擗晴空鷹揚雨溪鷺翥烟霞晦曠霧靄  
欲歎變現百態驟有窮已於是足不出城市而赤城川  
陸之景如索諸畫軸可坐而致景可坐致而詩之境界

益寬景無盡詩亦昇之煦盡而翻之風沃於是儼然如  
存鸛翔雲際無在無不在亦可想見翻之標格翻固在  
芑閣之存詩之景備千古雅韻藉以不磨滅閣可廢哉  
閣不惟於詩不可廢城上東南恃以爲屏翰奇觀所在  
又可廢乎哉敵歷書以告後人俾勿壞寶祐元幸二月  
吉日朝奉大夫知台州軍州兼管內勸農事趙與謹記  
進士金華徐士褒書并題蓋

郡人王紹祖王濟棐

兩浙金石志右碑篆額八字文八分書十九行在臨  
海縣城中山兩峰如恰幘相傳仙人皇華居山上昇  
墮幘故名山有二塔東塔院有翠微閣北瞰闔閭南

眺郊藪登臨者必至焉此知軍州趙與諲重建翠微而作記也唐任翻凡三至各有詩前邨月照半江水僧在翠微開竹房最爲膾炙人口三詩皆詠竹房字文中多作竹房漢仙人唐公房碑本作房趙與諲寶祐元年以吏部郎任

案碑第二三行泐兩山字十三行泐出字十九行

泐趙字記字記字半泐餘俱完好可讀碑云山勢詔斷

續詔當作形卽形字攷漢司馬季德碑消形幽門

孔耽神祠碑消形瘦腊並作形今碑作詔轉寫譌

也又云爰卽舊趾趾古通春秋傳宣十一年略

基趾漢華山廟碑訖今垣趾瑩兆猶存皆作趾又

案兩浙金石志多誤文如第一行嚳譌魏二行其

東譌其京五行無從譌無遐不自啻啻古意字譌

啻十行輦石譌革故十二行擗譌擇案周禮拜皆作擗漢楊箸

碑擗擗議郎又作擗今碑作擗亦非十三行欲歎譌欲歎十五行煦

盡譌罔盡今悉依原碑是正

宋隱真宮記

碑高七尺八寸廣五尺七寸額篆書宋台州僊居縣隱真宮記十字五行直徑四寸

五分二十三行行三十九字正書徑一寸在僊居縣東南三十里懷仁邨

宋台州仙居縣隱真宮記

廸功郎前差充史館檢閱文字陳

仁玉 譔

朝請郎差主管建康府崇禧觀王 亞夫 書

朝議大夫直煥章閣新知婺州謝奕修題蓋

神仙之說何始乎自上古黃帝廣成赤松偃佺伯陽子  
晉之傳二三六經所不載至戰國時齊威宣燕昭王實  
始傾信秦皇漢武歆慕求訪而卒無得也且以爲無諸  
乎則凡竹帛所著錄盡以虛誑之不可也且以爲有  
諸乎則非耳目所覩記遂欲實事求是不可也然余嘗  
思巖幽川觀奇犖之土猶不清輕矯時出世而有  
神仙者彼必游於漠食於澹蟬蛻玉雪消搖塵埃之  
外豈可諸君所能致哉余生仙居介天台栝蒼閒邑  
以仙名蓋昔者邑人遠有蔡經近有王溫世傳以爲飛  
仙遺基故物尙或有存余少無適俗韻竊嘗慨然爲

王蔡二君之鞭影於碧落間而卒不吾遇是果無之耶  
第時於煙裏雨霽望見騰雲涵峯高霞翼嶺意其中必  
有居之者距邑東南二十餘里巖峪屹立山巔石厓若  
插是爲麻姑峯其陽爲栝蒼洞天其陰卽蔡經故宅葛  
稚川所載漢之仙者王遠字方平三國時遊栝蒼山與  
麻姑會吳蔡經之事具顏魯公所口南城麻姑壇記梁  
天監五年始卽經宅建觀名隱元今爲隱真宮中更兵  
燼獨經故井口仍在乾道中有道士口吳寧爰始營枓  
尊復廢慶元中里長者陳溱倡議振起其口口有女嗣  
隆入道師龍口漳與張守元及其徒吳嗣昌羅嗣志夙  
夜勤力於荒墟草萊中變規金碧凡數十年而後觀宇

略備漸買田以贍其徒余聞王方平來蔡家時比舍有  
傳言□詣門求見既授以符俾壽逾百焉又與書所謂  
廓□大而不工者世藏以爲寶今陳氏卒興此宮豈其  
裔耶余旣樂其成爲記其事且爲步虛歌以招蔡仙歌  
曰

仙之來兮駕五龍霓旌絳節冷然風誰歟擘脯金盤供  
垂要錄髮顏如童五百餘載一瞬中蓬萊水淺來何從  
蔡翁得鞭與道通雲間遺白墮半空九井丹液藏甘潼  
赤明浩劫傳無窮坐閱成壞此故宮宮前山色知仙蹤  
月明笙鶴歸長松脩身潔行儻可逢肩然爲我達帝聰  
流杯□□祛盲聾卿雲甘露常歲豐神仙豈必私此躬

八荒壽域仙之功

皇宋寶祐三年歲在乙卯正月 日 住持宮事陳

嗣隆 同知宮事吳嗣昌 立石

孟壽甫刊

案右碑陰刻助錢姓氏以紙盡未揭嘉定赤城志  
隱真宮舊名隱元梁天監五年建本吳蔡經故宅  
先是漢王遠得道飛昇三國時遊栝蒼山過經家  
以金丹餌之及卒舉棺甚輕啟函視無有越四年  
復返姿益少謂家人曰七月七日王真人當來其  
日王果至駕五色龍旌節導從甚都召經父兄見  
之又遣人召麻姑至曰不接奉五百年矣乃迭進

肴膳有金盤玉斝焉王又以酒一斗勻水五升飲  
經家人後舉室上昇今有石臼杵尚存事聞詔建  
觀奉之元明以來郡邑志皆不詳興廢今改禪院  
易僧所居矣撰文者陳仁玉名埶見赤城新志及  
康熙府志王珏傳王亞夫謝奕修二人志并其名  
佚去予並爲攷得之僊居志陳仁玉字德翰漳祐  
十一年以薦特賜進士終兵部侍郎 四庫全書  
總目陳仁玉字碧棲擢進士第開慶中官禮部郎  
中浙東提刑入直敷文閣開慶元年六月顯慶寺  
新鑄銅鐘題名通直郎軍器監丞國史實錄院校  
勘陳仁玉張溟寶慶會稽續志提刑題名陳仁玉

開慶元年十一月初四日以祕書郎兼禮部郎官  
兼崇政殿說書除直祕閣浙東提刑兼知衢州十  
一月初十日到任景定元年五月二十九日特陞  
直華文閣依舊八月十一日陞直敷文閣依舊九  
月初二日回司二十九日離任府志王珏傳德祐  
丙子權知本州事伯顏南下珏與兵部侍郎僊居  
陳仁玉集義民堅壁以守吳禮部詩話云陳碧棲  
仁玉年甚少有文名以白衣召用而僊居咸淳進  
士題名碑後見以爲開慶元年賜同進士出身與志  
不合咸淳去開慶不遠碑當得其實惟開慶時仁  
玉已官禮部郎中豈初以白衣召用至是始賜第